

其七

天邊月月正圓極地去尋天有無有顛倒顛
妙玄玄正道須當要口傳

其八

天邊月月正圓極地去尋天有無有顛倒顛
一劬全照破了三千及大千

其九

天邊月月應弓真道妙無窮龍擒虎虎擒龍
兩相違結一朵金花弄風

其十

天邊月月正南前後各三三商是女坎是男
妙玄談不說破教人家怎參

十一

天邊月月應爐鉛汞鼎中居金憑火鍊就珠
一葫蘆三百八十四銖

滿庭芳

石火光陰人身不久算來生死難防忽生或
滅恰似電爭光識破形骸假合尋得箇出世
仙方思量後回心向道要認箇法中王時
時常見面同行同坐同飲霞漿同伴清風明

月同一志同見天光同相會同師訪道同唱
滿庭芳

鳴鶴餘音卷之六



鳴鶴餘音卷之七

隨七

仙遊山道士彭致中集
披雲真人
風入松

消磨不盡愛山心夢繞寒林幾時端的歸巖
穴結蒲團滿地松陰野鶴共人作伴山猿與
我知音

其二

一丸妙藥一張琴萬慮沉回頭冷笑紅塵
客共誰爭買世黃金不念朱顏暗謝那知白
髮來侵

其三

北邙山下草萋萋朽骨縱橫斷碑顛倒無人
識任黃牛白犢來耕管甚春朝將相那知漢
代公卿

其四

爭如歸去伴雲行學取長生清溪道士真吾
友採松花相配芝英但得堂中日月不求紙
上功名

其五

征南都護馬如龍臂托雕弓金章紫綬歸來

晚被人呼白髮衰翁過眼一場短夢轉頭萬事俱空

其六

急携鴉鏡上雲峯獨倚長松無窮眼界詩千首更何人伴我踈慵夜永三杯濁酒晚涼一枕清風

其七

九蓮七返用工夫煅煉紅爐金丹熟也光千丈彩雲籠一顆玄珠月裏捉來玉兔日中喚起金烏

其八

青童持下紫鸞書邀入蓬臺十洲爛賞春難老醉蟠桃香滿清都白髮千年返黑蒼顏曠劫猶朱

其九

人間富貴總骷髏水上浮沍隋唐晉宋齊梁夢到如今寂寞荒丘院外黃花翠竹水邊白鳥悲秋

其十

休休歸去便休休展放眉頭白雲深處宜高

卧學山東譚馬丘劉七弄金蓮秀麗荔枝玉葉風流

十一

一條蓑杖任蹉跎布袖長拖是非名利何曾問入終南路過煙蘿午飯兩簾翠柏秋衣一沼青荷

十二

白雲深處紫芝歌冷笑呵呵長安道上紫雲客護勞神夢入南柯雖有雙輪似錦誰知兩鬢成皤

十三

北窓風度碧琅玕午夢驚殘山泉落石清無價况樓臺半入雲間千卷詩書汗漫一爐香火幽閑

十四

萬緣除盡覺心安自返童顏壺中一點真消息更何人敢叩玄關多謝千年老鶴點傳九轉金丹

十五

面如生鐵骨如柴心似寒灰道情不與人情

合又誰能送往迎來夜聽泉聲滴瀝曉看山色崔嵬

十六

一聲長嘯冷雲堆老鶴徘徊清名莫向皇都說恐妨人高卧天台準備扁舟短棹安排竹笠芒鞋

十七

旋栽瘦竹種高松伴我踈慵密陰滿地蒼苔冷坐來撫三尺焦桐洞裏偷脩奏氣林間颯颯清風

十八

長安冠蓋老英雄奔走途窮區區千里紅塵裏髮如絲有甚成功爭似道人活計鍊成九轉金丹

十九

秋高親手斲黃精漸覺身輕十年舊病消磨盡但達人莫話長生多謝騎牛道士夜來贈我芝英

金字經

學仙須學做天仙修煉金丹性命全全我皇

畫卦先天天炁明師的訣傳

其二

金丹大藥不難求家家有種自可修修休離
丹竈頭無中有坎離顛倒收

其三

金丹妙道大神功降收白虎攝赤龍烹煎
玉鼎中須臾用陰陽造化工

其四

黍珠餌罷羅羅雍雍精調火候十月功功胎仙
靈變通嬰兒踴萬真朝絳宮

其五

慧光明徹本來宗無邊法界一性通通禪心
空不空如來共老君儒化同

其六

修真祖性復全真自在逍遙物外人無貪
無患噴長生事杏花枝上春

其七

善功八百行三千四海遊遊度有緣緣九重
丹詔宣乘鸞鶴班行列御前

其八

見聞知覺總休題悟得真空及第歸歸勘破
造化機非難易永劫天地齊

其九

天機泄漏勉諸公不是尋常乾慧通通掃除
皈正宗勤修奉化行仙聖風

迎仙客

混元珠無價寶赤水溪邊收拾了色澤渾光
皎皎手中握定占斷人間俏

其二

沒機關沒做作日月任催催不老逆行船翻
權權誰知這箇清淨家風好

其三

水深清山色好天下是非全不到竹窓幽茅
屋小箇中真樂莫向人間道

其四

竹風輕花影重醞酏一甌琴三弄露玄機藏
妙用槐壇將相看破浮生夢

其五

柳陰邊松影下豎起春梁諸緣罷鎖心猿擒
意馬明月清風共誰說長生話

其六

漢鍾離官極品南柯夢斷拋金印草鞋輕繫
杖藜笑携日月獨步長生境

其七

呂洞賓超物外神光照破三千界棄功名同
草木龜毛拄杖一擊字乾坤碎

其八

混元初張果老白驢踏著虛空倒紫雲生紅
霧繞夜來一口吞却蓬萊島

其九

藍采和離世俗手中拍板敲寒玉擺天關搖
地軸清風明月獨唱長生曲

其十

劉海蟾燕宰相夢回看破雲花放別人間離
海上紅爐片雪打就黃金像

其十一

廣成子千二百崆峒高卧寒雲白帝王師天
地宅縱橫自在物外無名客

其十二

范蠡翁曾佐越五湖獨泛扁舟月是非忘名

利絕一聲短笛受用蘆花雪

十三

張子房扶大漢功名掉去青山伴咽龍肝吞
風卵金丹養就沒底藍兒滿

十四

園田公列禦冠乘風一撞乾坤透呼南辰喚
北斗夢中得鹿覺後還非有

十五

朗然子居洛下金蟾飛去皮囊化鬼神驚天
地怕本來面目不許丹青畫

十六

住華山樂清閣碧洞茅庵胡亂灣日高時造
一餐飽來藜杖遠頂遙觀看

十七

誰羨他做高官一任穿緋掛綠欄心無憂身
自安世間少有這箇奸俏漢

十八

世事休甚清幽無管無拘林下史翠巖前風
月友狂歌慷慨舞爛飲長生酒

十九

醉時眠醒扶頭倒在東西不識羞亦無春亦
無秋騰騰兀兀且樂延年壽

二十

採藥歸白雲飛霧鎖青山仙逕迷黑猿叫青
鳥啼仙鶴前舞引俺歸洞裏

二十一

到洞中掩柴扉喚得仙童對着茶闌來時飲
綠杯草鞋絆倒不脫和衣睡

二十二

峭壁峯甚希奇檜栢青松四下圍悄無人過
客稀寂寥瀟灑冷淡閑活計

二十三

麵又酸倉陳米未稅缺唇破衣羅又無益只
有齋甘心守分勝如珍羞味

二十四

穿草履繫麻條披片蓑衣掛箇瓢半如漁半
如樵鬚頭垢面一任傍人笑

二十五

笑我僑僂知道明月清風為故交卧白雲吹
玉簫這般滋味世上人難曉

遍地錦

吾本當初水竹村甘河鎮上便狂風七朵金
蓮朵朵新立劉譚馬郝王孫

其二

吾本當初馬半州因與先師說根由獨坐園
墻向內修功成行滿赴瀛洲

其三

四大假合本姓譚前緣相遇棄俗緣天下雲
遊不住庵功成行滿赴仙壇

其四

萊州武觀是吾鄉因遇先生號長生穿街柳
巷也無妨不染塵埃性月朗

其五

三宣賜紫住天長便是雲光鐵脚王因遇先
師赴洛陽功成行滿到仙鄉

其六

十九拋家棄俗綠磻溪下志便安然悟得長
春不夜天大教門開萬古傳

其七

太古今日說因由趙州橋下度春秋唱住橋

邊水不流一葉落時天下秋

十八

吾本當初本姓孫馬家門下結婚姻因為先
師點破心各自分頭覓主人

梧桐樹

呂洞賓

一更裏調神氣意馬心猿盡拘繫莫放閑遊
戲昏昏默默煉胎息開却天門地戶閉果然
通玄理

其二

二更裏傳宇宙一點靈光漸通透虎龍初交
嚴抵備三尸莫教走惹劫空中報冤讎斬却
群魔首

其三

三更裏一陽動金鼎熬煎玉爐烹煉就真鉛
汞匠手鑿開玉運蓬兩道霞光照崑崙頂萬顆
珍珠迸

其四

四更裏雲收徹海底星龜弄明月處瓊瓊花
結火候抽添按時節子午氣盈降紅眉猛把
天機泄

其五

五更裏朦朧定心養浩月一輪鏡照破貪嗔
病這回須要鬼神驚只要真清為真靜功滿
朝上聖

步步高

一更裏澄心拔楔坐猿馬牢擒鎖慧劍磨六
賊三尸盡奔波退群魔困也和衣卧 醒覺
朦朧清風送悟入桃源洞闌苑中閑訪三茅
興無窮透窓風鷲覺遊仙夢

其二

二更裏白牛溪邊睡牧童醺醺醉養豈堆月
下方堪把笛吹樂然歸去華胥國 得到
華胥寬懷抱閑把瑶琴操聲韻高火裏烏龜
產白鶴弄雲簫紫霧紅光照

其三

三更裏銀漢星移淡出戶將身探月正南二
八嬌娥配童男煉三三手把天關抵 五明
宮裏元辰聚七寶山頭去禱玉虛元始高懸
黍米珠演金書國泰民安富

其四

四更裏玄圃清風細來往無凝滯解垢衣心
月高懸照雲漢上天梯獨折蟾宮桂 三界
十方惟獨步認得曹溪路一物無真歡真樂
飲醍醐不須沽高唱無聲曲

其五

五更裏架上金雞叫路上行人俏方欲曉沒
底籃兒杖頭挑跨風颺同赴蓬萊島 此箇
家風誰知道得也無表老琅板敲碧波深處
釣鯨鯨出波濤採就長生藥

南鄉子

真汞與真鉛產在先天與後天大要知時動
採取玄玄得兀何愁不作仙 進火要精專
審究前弦與後弦屯卦抽添蒙卦止難傳毫
髮差殊不結丹

其二

兩手摩鴻濛慧劍飛來第一峯外道修羅驚
縮項神通造化元來在掌中 煅煉玉爐紅
索籥吹壺藉異風十月脫胎吞入腹坤宮立
見三清太上翁

其三

溫養象周天須要微微火力全愛護嬰兒惟
藉母三年運用抽添象缺圓 牛斗會河邊
捨取玄珠種玉田定意如如行火候精專剖
腹分明說與賢

其四

生甲更生庚此是丹頭切要明藥嫩採來歸
土釜煎烹文武剛柔次第行 片餉結丹成
沐浴防危更守城到此不須行火候持盈火
若加臨必定傾

其五

木兔與金雞刑德臨門有偶奇爐內丹砂宜
沐浴防危神水溶溶滿玉池 年月日并時
刻裏工夫一例推著意研窮丹造次毫釐十
月殷勤自保持

其六

鼎器法乾坤上是天元下地元若也更顯
倒運交番闔關循環在八門 搬運上崑崙
龜與蛇兒自吐吞百尺竿頭牢把線掀騰從
此元神命永存

其七

關鎖自周天昇降循環三寸田不在嚙呵并
數息天然九轉無虧火力全 胎息護流傳
要在陰陽不可偏呼吸吹噓皆賴異風綿妙
在前弦與後弦

其八

復卦起潛龍戊巳微調未可攻九二見龍臨
卦主神通從此爐中次第紅 泰卦却相逢
猛火燒乾藉巽風煉就黃芽并白雪奇功還
返歸坤道始窮

其九

識得水中金煅煉烹煎理更深進退抽添須
九轉浮沈溫養潛龍復與臨 妙運自天心
託仗黃婆是丙壬醜就醜翻山頂降頻斟慢
撥無絃一曲琴

其十

長子到西方少女歸乾變六陽便好下功修
二八隄防至九方知道自昌 牛斗共商量
巧奪天工妙莫揚萬坎夫妻交媾後難忘始
覺壺中日月長

十一

白雪與黃芽兩味晶華共一家摘採辨時衰
與旺堪誇火候毫釐不可差 頂上結三花
駕動羊車與鹿車烏兔往來南北面交加從
此天河穩泛槎

十二

淨盡靈天機只恐時人自執迷領下藏珠當
猛取休遲道在身中更問誰 塵網急拋離
百歲年華七十稀莫待老來鉛汞少堪悲業
報前途難自欺

一寸金

堪嘆辭迷夢空花幾人悟更假饒錦帳銅山
朱履玉簪畢竟於身何故未若紅塵外幽隱
竹籬蓬戶青松下一曲高歌笑傲年華換今
古 紫府春光清都雅會時妙有真趣看自
然天樂星樓月殿鸞飛鳳舞白雲深處壺內
神仙景誰肯少年迴顧道遠界獨我歸來復
入家陽去

其二 賞雪

暮鴻嘹唳更晚來地簷陰風齊起造作嚴凝
同雲黯黯四海玉龍呈瑞粧點萬家清景普

錠瑤花解層霄最好是命詩朋紙帳圍爐沉醉
吟級搜佳製竹外清香金帶賞新葉似林
銀沙或為粉蝶高下亂飛空裏慶知太平先
先陰陽和美運玄理遇子獸同賞江天真味
鳴鶴餘音卷之七

鳴鶴餘音卷之八

隨八

仙遊山道士彭致中集

西江月

內藥還如外藥內通外亦須通丹頭和合類
相通溫養萬般作用 內有天然真火爐中

赫赫長紅外爐增減要勤功妙絕無過真種

其二

此道至神至聖憂君分薄難消調和鉛鼎不
終朝早觀玄珠形兆 志士若能修煉何拘
在市居朝工夫容易藥非遠說破人須失笑

其三

白虎首經至寶華地神水真金故知上善利
源深不比尋常藥品 若要修成九轉先須
煉已持心依時採取定時既進火須防危甚

其四

七返朱砂返本九還金液還真休符寶子數
坤申但看五行成準 本是水銀一味周流
經歷諸辰陰陽氣足自然靈出入豈難玄化

其五

若要真鉛留汞觀中不離家臣木金間隔會

無因須假黃婆媒 木性愛金順義金情
戀木慈仁相吞相咬却相親始覺男兒有孕

其六

二八誰家姹女三九何處郎君自稱木液與
金精遇土方成三姓 更假丁公煅煉夫妻

始結歡情河車不敢暫留停運入崑崙峯頂

其七

牛女情緣道合龜蛇類稟天然蟾烏遇朔合
蟬娟二氣相資運轉 總是乾坤妙用誰能
達此深淵陰陽否隔即成愆怎得天長地遠

其八

雄裏內含雌質負陰抱却陽精兩般相合藥
方成點化魄織魂勝 信道金丹一粒蛇吞
立化龍形雞塗亦乃變鷹鵬飛入青陽真境

其九

天地纜經否泰朝昏好識屯蒙輻末湊穀水
朝宗妙在抽添運用 得一萬般皆畢休分
南北西東損之又損慎前功命寶不宜輕弄

其十

冬至一陽來復三旬增一陽又月中復對朔